

明月環傳奇

下

明倫彙編

明月環傳奇卷下

西湖居士編次

梨花主人較閱

第十八齣 訂婚

虞美人。老旦扮石安人上。孩兒就學荆家去。使我空
縈繫。寂寞饕飮聊自支。一別悠悠。兩月無音矣。
青玉案前。人生南北如岐路。世事悠悠等風絮。造
化小兒無定據。翻來覆去。倒橫直豎。眼見都如許。
老身趙氏。自從孩兒荆家讀書。兩月不歸。只今世
情薄劣。不知相待何如。重蒙喬大夫不棄寒門。欲

以羅浮小姐許配孩兒。雖然作合。繇文字已虧他。片言偶中。雀屏還愁遣聘。乏荆釵湯說六禮先呈。鴈帛好悶人也。

画眉籠錦堂。画眉序前朝爽暑初浮。天末晴虹映蓬牖。嘆年華老去衰齡時候。守孀居半世飄零。惟待子一經馳驟。錦堂月後那喬小姐姻緣。真佳偶。爭奈囊空問字無繇。生上。

錦堂觀画眉。錦堂月前爭毆。啣恨而歸。匆匆不曾謝得。他那賢德的妹子。做了感恩未酬。探庭帷母親獨

守進見介母親拜揖。老旦孩兒你回來了。生孩兒只爲讀書遠離膝下。久疎定省。寔切瞻依。可恨那荆棘奸謀。一言總難詳剖。窮究画眉序後。分明與豺虎爲儔。說甚麼友朋義厚。老旦爲何怨憤填胸臆。教娘莫測來由。

生母親聽孩兒稟知。那喬大夫設席試文。屬意孩兒。使老母來說親。感小姐以明月環。私贈爲券。孩兒佩帶在身。以志不忘。因柯家作文。暫解箱中。豈知荆棘輒起謀心。假同孩兒柯家會文。將兒灌醉。

留宿柯家。竟從書箱內盜了此環。夜半入喬園去。
騙小姐。老旦呀。通家朋友。起此惡念。禽獸不如。就
該與他絕交了。生。今早孩兒責以大義。索取明環。
豈知禽獸狠心。喝家僮要打孩兒。勢孤力弱。只得
歸來。老旦悲介。孩兒他明明倚富欺貧。只因蕭條。
受他凌辱。好苦好苦。生。此仇不報。非丈夫也。合唱。

漁家做嘆。連年家計蕭條苦萬千。只爲着依人活計。
遭人輕賤。那更陰謀圖奸騙。明環竊佔。空辜負小姐
盟言。翻慚恨。鰥生。豆見。那裡是義友傾心。傾心伏禍。

梨雲丑上

剔銀燈。天台路分明隔斷。蜂媒使從今別遣。我那青
娘他一片片心。端爲着人文羨。一句句言。只訂着這
姻親盟願。特令我趨前。把明珠私獻。迤邐急行來。兀
自在此間。

奴奉青娘之命。傳意與石官人。不免徑入。老安人
萬福。石相公萬福。老旦。姐姐何來。生。此是荆家侍
兒梨雲姐。孩兒在彼讀書。有勞他送茶。老旦。如此

多勞、何以爲謝、請坐了講話。丑老安人相公在上、怎敢坐。生梨雲姐太謙了、旣勞尊步到舍、自古敬主及使道、不得恭敬、不如從命。丑又萬福介。這等告坐了。生孩兒盛怒歸來、却不曾與母親細言、那禽獸有一妹、小字青娥、甚是賢德、年方二八、才貌絕倫、昨閑步中堂、孩兒不知、亦至中堂、別那禽獸、兩下瞥會、方在嫌疑之際、那禽獸歸來、撞見生道、孩兒與他妹子有私、爭鬪而回、此衷快然、今梨雲姐來、却是爲何。丑我青娥說不期而會、倒有累官

人受氣有數字送與官人命奴家再三致意

擲破地錦花送佳音。申定了百年券。出書介更一紙。
書密切切萬種情言石相公你須頂禮神祇敬焚名。
香展雲箋從頭的味瑤函。

生接書念介義妹荆氏青娥致書于大德石鱗侯。
君子文几瓜嫌抵觸。罪寔在兄。狐暖片言過不在。
妾然輕步中堂。致蒙不諱。夫復何言。貽累于君。衷。
不自安。敬遣小婢申意。自銜無媒。女子所羞。而非。
偶失身。尤沒齒抱恨。恰聞君喬氏姻緣中阻。天意。

其有在乎。倘不鄙棄。乞遣聘于家兄。永以爲好。老
旦多承他令妹美情。孩兒意下何如。生此情縷感
肺腑。只是與那禽獸既相爭。他如何肯允。

麻婆子明環明環潛盜去。成言已在先。姻牒姻牒雖

私慕。恐伊兄懷憎嫌。丑我今歸去。何以覆青娘。生我

寫回音一函爲覆。寫介老旦梨雲姐。多多致意你青

娘。說我老身作主。並無異說。感情佩德。正啣環荷蒙

不棄。諧姻眷。生書付丑老旦。問介書上如何寫。念與

我聽。生念介沐恩。生石鯨頓首。久叨厚意。五內俱鑠。

父辱高情。九淵敢負。明月環爲令兄所竊。倘覓得
還勝趙之十五城矣。嫦娥肯爲恹書生贈桂。喜不自
持。第恐蟾宮深鎖。未易遙墮雲霄耳。付丑介。老旦盟
言。盟言期不變。與我歛衽致救前。

丑如此。婢子去覆青娘也。傳來青鳥信。已定赤繩

緣。下生。母親喬小姐懸望遣聘。未有以應。荆家姻

事如何。又可應承。老旦孩兒。你不知那禽獸。玳環

八圍必然冒你名姓。喬家知風定然疑你。此親決
有翻悔。如今世態趨炎。難得荆家青娘愛你之才。

不嫌家貧。他又無父母。可以自主。到是這頭親事。
穩生母親所見。極是嘆介。

孔方兄有絕交書。元亮家無擔石儲。

感得美人雙着意。自慚納幣一無資。

第十九齣 諧扇

園林聞鶯。園林妬丑。喬夫大上。為孩兒姻緣。未諧鎮
日裡愁難擺。劃奈僻兒爹行堪怪。黃鶯兒輕富愛財。
撇清賣乖。須知文章滿腹。濟不得飢寒債。慢安排文。

人薄行。古語莫疑猜。即見聚散。合與散。離與聚。

事不三思終有後悔我正看這貧胎不上眼誰想

天隨人願恰好做出反事來調戲荆家小妹青娥

被荆生逐回那日荆生央人私送我胡珠百粒母

祿二十顆貓睛四十粒金寶鑲嵌首飾一篋耀目

爭亮好不愛人的東西要求我攬掇老相公應允

這頭親事我已允了未免相公前攬掇自會敲激

他且去書房中看老相公去來下外上

梧桐映月梧桐樹虛堂爽氣來空翠團青藹雨過荷

翻日轉橫塘外幽篁弄影風瀟灑花氣撩人閒情祇

自排驀然底事關心在。月兒高須知原憲甘貧。簞瓢
顏不改。論作聘可荆釵何妨一縷紅絲。早綰鴛鴦帶。
學士醉東風。三學士丑若論乘龍須富貴。瓊花豈
比章臺王孫。贈妾把君平愛。牛氏女索配狀元才。沉
醉東風。我那女孩兒呵。不是彩樓自諧。怎教他破甕
苦捱。那喬才行劣。只合償青娥冤債。

相公你一向稱石生的文字。不知文人最是短行。

外那見得文人短行。這都是無稽之談。丑你兀自

不知。冷笑介。早是女孩兒不曾受他的聘哩。這畜

生全無人氣。荆生好意延他在家讀書。就把他妹

子青娥調戲。豈不是短行。外這一定是荆子媒孽。

他未可憑信。丑咳。相公你偏要護短。別家事不可

信。難道自家事也不可信。外甚麼我家事。丑調戲

荆家妹。已見他行止有虧。前七夕之夜。潛入我園。

來騙羅浮女兒。外那有此話。你却胡言亂道。丑到

不是胡言。見我去。慌忙就走了。外咳。閑話。園門重

扃。深夜他怎生得入來。丑你不信。現有真証據在

此。出扇介。外看念介。撥雨撩雲。非偶然。美人高士

結良緣。藍橋已遇裴航侶。洛水何須曹植篇。青娥
題贈鱗侯詞壇。此扇從何得來。丑便是那夜去得
慌。遺失在園。我拾得在此。外大怒擲扇介。這畜生
敢如此無禮。我道他才器溫良。必然遠大。誰知是
毀開裂檢之徒。老旦暗上聽介。外我且問你。夜深
有賊入園的時節。那不肯女何不就叫起來。反與
他講話。直待你入園。方才逃去。丑好沒搭撒。似你
這般說。到是我女兒放他進來的了。女孩兒在園。
有十八姆暗香陪伴。正爲女兒叫喚。我故知覺。若

像你這等好睡。兀自困在鼓裡。到埋怨女孩兒不
叫喚外咳罷了。

太師垂繡帶。太師引這扇兒更有何言解。是伊行潛
携帶來。須不是踰垣鑽穴。料非是鬼使神差。我只在
十八姆暗香身上。推查出來。丑相公。你不合請他來
吃了兩次酒。又讚他的文字。要把女孩兒許他。那等
無賴子弟。說動了他心。又無力行聘。就萌起這不肖
的念頭。那花園是他熟遊之地。昏黑之時。乘人不見。
隱匿在園。難道是人放他進來的不成。繡帶兒你休